

四庫全書

集部

欽定四庫全書

唐書品彙卷八十一

明 高棟 編

五言排律十一

旁流

以下有姓氏無字里世次可考者三十二人

朱延齡

秋山極天淨

雨洗高秋淨天臨大野閒
葱龍清萬象繚繞出層山
日

落千峰上雲銷萬壑間綠蘿霜後翠紅葉雨來殷散彩
輝吳甸分形壓楚關欲尋霄漢路延首願登攀

張叔良

長至日上公獻壽

鳳闕晴鐘動雞人曉漏長九重初起鑰三事正稱觴日
至龍顏近天旋聖厯昌休光連雪淨

一作祥光
連雪映

瑞氣雜

爐香化被君臣洽恩沾士庶康不因稽舊典誰得紀朝
章

崔琮

長至日上公獻壽

應歷三陽首朝天萬國同斗邊看子月臺上候祥風五
夜鐘初動千門日正融玉階文物盛仙仗武貔雄率舞
皆羣獸稱觴即上公南山為聖壽長對未央宮

李竦

長至日上公獻壽

候曉金門闢乘時寶歷長羽儀瞻上帝雲物麗初暘漢

禮方傳佩堯年正奉觴日行臨觀闕帝錫洽珪璋盛美
趨三代洪休降百祥自憐朝玉座宴此詠無疆

史延

清明日賜百官新火

上苑連侯第清明及暮春九天初改火萬井屬良辰
頒賜恩踰洽承時慶亦驚翠烟和柳嫩紅焰出花新
寵命頒三老祥光燭萬人太平當此日空腹賀陶鈞

王濯

清明日賜百官新火

御火傳香殿華光及侍臣
星流中使馬燭照九衢人轉
景連金屋分輝麗錦茵
燭迎紅蕊發烟染玉條春
助律和風早添爐煖氣新
誰憐一寒女猶望照東鄰

韓濬

清明日賜百官新火

朱騎傳紅燭天厨賜近臣
火隨黃道現烟遶白榆
新榮耀分他室恩光共此辰
更調金鼎味還煖玉堂人
灼灼

千門曉輝輝萬井春應憐聚螢者瞻望獨無隣

成嶠

登聖善寺閣望龍門

高閣聊登望遙分禹鑿門
剎連多寶塔樹滿給孤園
香境超三界清流振陸渾
報慈弘孝理道行得真源
空淨祥烟霽時明愛日溫
願從初地起長奉下生尊

張少博

尚書郎上直聞春漏

建禮含香處重城待漏辰徐聲傳鳳闕曉唱辨雞人銀
箭聽將盡銅壺滴更新催籌當五夜移刻及三春杳杳
從天遠泠泠出禁頻直廬殘響曙肅穆對鈎陳

周徹

尚書郎上直聞春漏

建禮通華省含香直紫宸靜聞銅史漏暗識桂宮春滴
瀝疑將絕清泠發更新寒聲臨鴈沼疎韻應雞人迴入
千門徹行催五夜頻高臺閒自聽非是駐征輪

李子卿

望終南春雪

山勢抱西秦初年瑞雪頻
色搖鵲野霽影落鳳城春
晶耀瓊峰逼晶明玉樹親
尚寒由氣動不夜為光新
荆岫全疑近崑丘宛合鄰
餘輝倘可惜迴照讀書人

徐元弼

太常寺觀舞聖壽樂

舞字傳新慶人文邁舊章
冲融和氣洽悠遠聖功長
盛

德沅無外明時樂未央日華增顧盼風物助低昂
翥鳳方齊首高鴻忽斷行雲門與茲曲同是奉陶唐

張良器

河出榮光

引派崑山峻朝宗海路長千齡逢聖主五色瑞榮光
隱映浮中國晶明助太陽坤維連浩漫天漢接微茫
丹闕清氛裏函闢紫氣旁位尊常守伯道泰每呈祥
習坎靈逾久居卑德有常龍門如可涉忠信是舟梁

王綽

迎春東郊

玉管潛移律東郊始報春
鑾輿膺寶運天仗出佳辰
睿澤光時輩恩輝及物新
虬螭動旌旆烟景入城闌
御柳初含色龍池漸啓津
誰憐在陰者得與蟄蟲伸

敬括

賦得七月流火

前庭一葉下言念忽悲秋
變節金初至分空一作寒火正

流氣含涼夜早光拂夏雲收助月微明散沿河麗景浮
禮標時令爽詩興國風幽自此觀邦正

一作
邪正

深知玉葉

一作
玉葉休

柴宿

初日照華清宮

靈山初照澤遠近見離宮影動參差裏光分縹緲中鮮
飈收晚翠佳氣滿晴空林潤溫泉入樓深複道通璇題
生炯晃珠綴引臙隴鳳輦何時幸朝朝此望同

張隨

早春送郎官出宰

仙郎今出宰聖主下憂民
紫陌軒車送丹墀雨露新
趨程猶犯雪行縣正逢春
粉署時迴首銅章已在身
鳴琴化欲展起草戀空頻
今日都門外悠悠別漢臣

河中獻捷

叛將忘恩久王師不戰通
凱歌千里內喜氣二儀中
寇盡條山下兵迴漢苑東
將軍初執訊明主欲論功
落日

烟塵靜寒郊壁壘空蒼生幸無事自此樂堯風

王質

金谷園花發懷古

寂寥金谷澗花發舊時園人事空懷古烟霞此獨存
管絃非上客歌舞少王孫繁榮風驚散輕紅鳥乍翻
山川終不改桃李自無言今日經塵路淒涼詎可論

張公乂

金谷園花發懷古

今日春風至花開石氏園
未全紅艷折半與素光翻點
綴疎林遍微明古徑繁
窺臨鶯欲語寂寞李無言
谷變迷鋪錦臺餘認樹
萱川流人事共千載竟誰論

周弘亮

曲江亭望慈恩寺杏園花發

江亭閒望處遠近見秦源
古寺遲春景新花發杏園萼
中輕蘂密枝上素姿繁
拂雨雲初起含風雪欲翻
容輝明十地香氣遍千門
願莫隨桃李芳菲不為言

陳翥

曲江亭望慈恩寺杏園花發

曲池晴望好近接梵王家十畝開金地千林發杏花映
雲猶誤雪照日欲成霞紫陌傳香遠紅泉落影斜園中
春尚早亭上路非賒芳景堪遊處其如惜物華

嚴巨川

太清宮聞滴漏

玉漏移中禁齊車入太清漸知催辨色復聽續餘聲乍

逐微風轉時因雜佩輕青樓人罷夢紫陌騎將行殘魄
棲初盡餘寒滴更生慙非朝謁客空有振衣情

莫宣卿

百官乘月早朝聽殘漏

建禮儼朝冠重門耿夜闌碧空蟾魄度清禁漏聲殘候
曉車與合凌霜劍佩寒星河猶皎皎銀箭尚珊珊杳靄
祥光起霏微瑞氣攢忻逢聖明代長願接鸞鷟

孫昌胤

越裳獻白翟

聖哲符休運伊臯列上台覃恩丹徼遠入貢素輦來北
闕欣初見南枝顧未迴歛空殘雪淨矯翼片雲開馴擾
將無懼翻飛幸莫猜甘從上苑裏飲啄自徘徊

王若拙

越裳獻白翟

素翟宛昭彰遙遙自越裳冰晴朝映日玉羽夜含霜歲
月三年遠山川九譯長來從碧海路入見白雲鄉作瑞

興周后登歌美漢皇朝天資孝理惠化且無疆

孫頤

送薛大夫和蕃

亞相獨推賢乘輅向遠邊一心傾漢日萬里望胡天忠
信皇恩重要荒聖德傳戎人方屈膝塞月復嬋娟別思
流鶯晚歸朝候鴈先當書外垣傳迴奏赤墀前

徐敞

白露為霜

早寒青女至零露結為霜入夜飛清景陵晨積素光
駟星初暫葭莢復蒼蒼色冒沙灘白威加木葉黃鮮輝
襲紈扇殺氣掩干將葛屨那堪履從令君子傷

顏粲

白露為霜

悲秋將歲晚繁露已成霜徧渚蘆先白露籬菊自黃應
鐘鳴遠寺擁鴈度三湘氣逼儒衣薄寒侵宵夢長滿庭
添月色拂水飲荷香獨念蓬門下窮年在一方

陳祐

風光草際浮

秀發王孫草春生君子風光搖低偃處影散艷陽中稍
稍移蘋末微微轉蕙叢浮烟傾綠野遠色澹晴空汎彩
池塘媚含芳景氣融清暉誰不挹幾許賞心同

湯洙

登雲梯

謝客常遊處層巒枕碧溪經過殊俗境登陟象雲梯步

步勞山屐行行躡澗霓迴臨天路廣俯眺夕陽低賞詠
情彌愜風塵事已睽前修如可慕投足固思齊

童翰卿

織女石

一片昆明石千秋織女名
見人虛脉脉臨水更盈盈
苔作輕衣色波為促杼聲
岸雲連鬢濕沙月對眉生
有臉蓮同笑無心鳥不驚
還如明鏡裏形影兩分明

熊孺登

日暮天無雲

杳杳復蒼然無雲日暮天象分青氣外景盡赤霄前漸
吐星河色遙生水木烟從容難附麗顧步欲澄鮮但見
收三素何能測上玄應非暫呈瑞不許出山川

無名氏

晦日同志昆明池汎舟

靈沼疑河漢蕭條見斗牛烟生知岸近水淨覺天秋落
月低前樹清輝滿去舟興因孤嶼起心為白蘋留曉吹

兼漁笛閒雲伴客愁龍津如可上長嘯且乘流

金谷園花發懷古

春風生梓澤遲景映花林欲問當時事因傷此日心
繁華人已歿桃李意何深澗咽歌聲在雲歸蓋影沉
地形同萬古笑價失千金遺跡因無限芳非不可尋

日暮山河清

天高爽氣晶遲景忽西傾山列千重靜河流一帶明
想同金鏡徹寧讓玉壺清纖翳無由出浮埃不復生
紫紆

分漢苑表裏見秦城逸興終難繫抽毫仰此情

華山慶雲見

聖主祠名嶽高風發慶雲金柯初繚繞玉葉漸氤氲
色含珠日光明吐翠霧依稀來鶴態髣髴列仙羣萬樹
流光影千潭瀉錦文蒼生忻有望祥瑞在吾君

空水共澄鮮

悠然四望通渺渺水無窮海鶴飛天際烟林出禁中雲
消澄遍碧霞起澹微紅落日浮光滿遙山翠色同樵聲

喧竹嶼棹唱入蓮叢遠客舟中興煩襟暫一空

郊壇聽雅樂

泰壇恭祀事彩仗下寒垆展禮陳嘉樂齊心動衆靈韻
長飄更遠曲度靜宜聽汎響何清越隨風散杳冥微懸
和氣聚旋退曉山青本自鈞天降還疑列洞庭

霜隼下晴臯

九臯霜氣勁翔隼下初晴風動閒雲卷星馳白草平稜
稜方厲疾肅肅自縱橫掠地秋毫迴投身逸翮輕高墉

全失影逐雀乍飛聲薄暮寒郊外悠悠萬里情

河出滎光

符命自陶唐吾君應會昌千年清德水九折滿滎光極
岸浮佳氣微波照夕陽澄輝明貝闕散彩入龍堂近帶
關雲紫遙連日道黃馮夷矜海若漢武貴宣房漸沒孤
槎影仍呈一葦杭撫躬悲未濟作頌喜時康

送史司馬赴崔相公幕

文苑英華失姓氏嚴滄浪云此或太白之逸詩

也不然亦是
盛唐人之作

崢嶸丞相府清切鳳凰池
羨爾瑤臺鶴高棲瓊樹枝
歸飛晴日好吟弄惠風吹
正有乘軒樂初當學舞時
珍禽在羅網微命若遊絲
願托周周羽相銜漢水湄

皎然

以下納
子四人

奉陪顏使君修韻海畢東溪汎舟餞諸文士

諸侯崇魯學羔鴈日成羣
外史刊新韻中郎定古文

魯公

著書依切韻起東菁華兼百代雅素備三墳
國語思開字字脚皆做古篆

物王言欲致君研精業已就歡宴惜應分獨望西山去
將身寄白雲

冬日遥和盧使君幼平綦母居士遊法華寺高
頂臨湖亭

仁芳標絕境廉守躡高蹤天見纔分刹風傳欲盡鐘城
中歸路遠湖上碧山重水照千花界雲開七葉峰寒空
艾綬滿晴翠白綸濃逸韻知難繼佳遊恨不逢仍聞撫
禪石為我久從容

陪顏使君餞宣諭蕭常侍

江淮凋瘵後遠使發天都昏墊宸心及哀矜詔命敷恤
民驅急傳訪舊枉飛轡外鎮藩條最中朝顧問殊文皆
正風俗名共溢寰區已事方懷闕歸期早戒途繁笳咽
水閣高蓋擁雲衢暮色生千嶂秋聲入五湖離歌猶宛
轉歸馭已踟躕今夕庾公意西樓月亦孤

春日酬祭嶽瀆使大理盧卿自會稽迴經年將
赴朝寄故林十二韻

欽定四庫全書

唐詩品彙
卷八十一

十五

望祀崇周典皇華出漢庭紫泥頒會計玄酒薦芳馨聖
慮祈多祐齋心合至靈占祥刊史竹筮日數堯奠禮秩
新加命朝章舊理刑敷誠依北闕遺愛在西亭五袴歌
仍詠三碑石重銘躊躇問存沒委曲向郊垞苔水曾同
汎稽山昔共經清風門客仰佳頌國人聽奉使朝行月
飛文夜動星征途回四牡遙戀故林青

清江

早發陝州途中贈嚴秘書

此身雖不繫憂道亦勞生萬里江湖夢千山雨雪行人
家依舊壘關路閉層城未滅交河虜猶屯細柳兵艱難
嗟道遠棲託賴深情貧病吾將有精修許少卿

早春書情寄河南崔少府

日日東風至陽和似不均病身空益老愁鬢不知春宇
宙成遺物光陰促幻身客遊傷末路心事向行人道薄
猶懷土時難欲厭貧微才如可寄赤縣有鄉親

春遊司直城西鷓鴣谿別業

別墅軍城下間喧未可齊
春深花蝶夢曉隔柳烟鞞
韶景浮寒水疎楊映綠堤
沿洄看竹色來往聽鶯啼
久慢持生術多親種藥畦
家貧知素行心苦見清溪
越客初投分南枝得寄棲
禪機空寂寞雅趣賴招攜
本寺重江外遊方二室西
徘徊戀知己日夕草萋萋

廣宣

皇太子頒賜存問并索和新詩因有陳謝

望苑招迎後禪扉訪問餘
祇言俟文雅何意入庸虛
率

性多非學緣情偶自書清風聞寺響白日見心初重道
逢軒后崇儒過魏儲青宮列梗梓玄圃積瓊琚鄭鼠寧
容者齊竿久捨諸空懷受恩感含思幾躊躇

理瑩

送戴三徵君還谷口舊居

巖穴多遺秀弓車屢遠招周王尊渭叟頴客傲唐堯出
處天波合關河地勢遙瞻星吳郡夜作霧華山朝清論
虛重席閒居挂一瓢漁歌思坐酌宸渥寵行軺春為荷

裳暖霜因葛履消層崖懸瀑溜萬壑振清飈谷鳥猶遷
木場駒正食苗謝安何日起台鼎佇君調

上官昭容

以下宮

閨三人

奉和幸三會寺應制

釋子談經處軒臣刻字留故臺遺老識殘簡聖君求駐
蹕懷千古開襟望九州四山緣壁合二水夾城流宸翰
陪瞻仰天杯接獻酬太平詞藻盛長願紀鴻休

宋若昭

奉和御製麟德殿燕百僚

垂衣臨八極肅穆四門通自是無為化非關輔相功修
文招隱伏尚武殄妖凶德立韶光熾恩沾雨露濃衣冠
陪御燕禮樂盛朝宗萬壽稱觴日千年信一同

宋若憲

奉和御製麟德殿燕百僚

端拱承休命時清和聖皇四聰聞受諫五服遠朝王景

媚暄初轉春殘日正長御筵多濟濟盛樂復鏘鏘宴鎬
誰能敵橫汾未可方願齊山嶽壽福祉永無疆

長篇

杜審言

和李大夫嗣真奉使存撫河東四十韻

六位乾坤動三微歷數遷謳歌移火德圖識在金天子
月開階統房星受命年禎符龍馬出寶籙鳳凰傳地即
交風雨都仍卜澗瀍明堂唯御極清廟乃尊先不宰神

功運無為大象懸八荒平物土四海接人烟已屬羣生
泰猶言至道偏墮書傍問俗旌節近推賢秩比司空位
官臨御史員雄辭執刀筆直諫罷樓船國有大臣器朝
加小會筵將行備禮樂送別仰神仙城闕周京轉關河
陝服連稍觀汾水曲俄指絳臺前姑射聊長望平陽遂
宛然舜耕餘草木禹鑿舊山川昔出諸侯靜無何霸業
全中軍掃戰敵外府絕兵權隱隱帝鄉至瞻瞻肅祀虔
西河偃風俗東壁掛星躔井邑枌榆社陵園松柏田榮

光晴掩代佳景晚侵燕雨沛鴻私滌風行睿旨宣惇釐
訪疾苦屠釣采貞堅人樂逢刑措時康洽賞延賜踰秦
氏級恩倍漢家錢擁傳咸翹首稱觴竟比肩拜迎迷道
路詠舞溢郊鄺殺氣西衝白窮陰北陸玄飛霜遙度海
殘月迴臨邊

僧皎然
云遠也

緬邈朝庭問週沅朔塞旋興來探

馬策俊發抱龍泉學總八千卷文傾三百篇澄清得使
者作頌有人焉莫以崇班列而云勝托捐偉才何磊落
陋質幾翩翾江海寧為讓巴渝轉自牽一聞歌聖道助

曲荷陶甄

杜甫

奉送郭中丞兼太僕卿充隴右節度使

詔發西山將秋屯隴右兵淒涼餘部曲輝赫舊家聲
鵬鸚乘時去驂騑顧主鳴艱難須上策容易即前程
斜日

當軒蓋高風卷旆旌松悲天水冷沙亂雪山清和虜猶

懷惠防邊詎敢驚

劉云上句有風下句傷時

古來於異域鎮靜示專

征燕薊奔封豕周秦觸駭駭中原何慘黷餘孽尚縱橫

箭入昭陽殿笳吟細柳營內人紅袖泣王子白衣行宸

極妖星動園林殺氣平空餘金椀出無復縹帷輕

劉云如箭

入昭陽至總惟金椀愈甚矣非所忍言

毀廟天飛雨焚宮火徹明果愚朝

共落榆栢夜同傾三月師逾整羣胡勢就烹瘡痍親接

戰勇決冠垂成妙譽期元宰殊恩且列卿幾時回節鉞

戮力掃攬搶圭竇三千士雲梯七十城恥非齊說客甘

似魯諸生通籍微班忝周行獨坐縈隨肩趨漏刻短髮

寄簪纓徑欲依劉表還疑厭禰衡漸衰那此別忍淚獨

含情廢邑狐狸語空村虎豹爭人頻墜塗炭公豈忘精
誠元帥調新律前軍壓舊京安邊仍扈從莫作後功名

寄彭州高三十五使君適虢州岑二十七長史

參三十韻

故人何寂寞今我獨淒涼老去才難盡秋來興甚長物

情尤可見詞客未能忘

劉云物情往往見
來惟詞客未忘耳

海內知名士

雲端各異方高岑殊緩步沈鮑得同行意慙開飛動篇

終接混茫

劉云即子美自
道可為悟人

舉天悲富駱近代惜盧王似

爾官仍貴前賢命可傷諸侯非棄擲半刺已翱翔詩好
幾時見書成無使將男兒行處是客子鬪身強羈旅推
賢聖沈綿抵咎殃三年猶瘡疾一鬼不銷亡隔日搜脂
髓增寒抱雪霜徒然潛隙地有甌屢鮮粧何大龍鍾極
于今出處妨無錢居帝里盡室在邊疆劉表雖遺恨龐公
至死藏心微傍魚鳥肉瘦怯豺狼隴草蕭蕭白洮雲片片
黃彭門劍閣外號略鼎湖傍荆玉簪頭冷巴牋染翰光烏
麻蒸續曬丹橘露應嘗豈異神仙宅俱兼山水鄉竹齋燒

藥竈花嶼讀書牀更得清新否遙知屬對忙舊宮寧改
漢淳俗本歸唐濟世宜公等安貧亦士常蚩尤終戮辱
胡羯漫猖狂會待袞氛靜論文暫裹糧

寄岳州賈司馬六丈巴州嚴八使君兩閣老五十

韵

衡嶽啼猿裏巴州鳥道邊故人俱不利謫宦兩悠然闔
闔乾坤正榮枯雨露偏長沙才子遠釣瀨客星懸憶昨
趨行殿殷憂捧御筵討胡愁李廣奉使待張騫無復雲

欽定四庫全書

唐詩
卷八十一

三

臺仗虛脩水戰船蒼茫城七十流落劍三千畫角吹秦
晉旄頭俯澗瀍小儒輕董卓有識笑苻堅浪作禽填海
那將血射天萬方思助順一鼓氣無前陰散陳倉北晴
薰太白巔亂麻屍積衛破竹勢臨燕法駕還雙闕王師
下八川此時沾奉引佳氣拂周旋劉云亂來讀此
十字哀痛殊生貌虎
間金甲麒麟受玉鞭侍臣諳入仗廐馬解登仙劉云淺
事不俗
俗意花動朱樓雪城凝碧樹煙衣冠心慘愴故老淚潺
湲哭廟悲風急朝正霽景鮮月分梁漢米春給水衡錢

內蕊繁於纈宮花軟勝綿恩榮同拜手出入最隨肩晚

著華堂醉寒重繡被眠轡齊秉燭書枉滿懷牋

劉云纔復

京便有此樂是此時殘破巡幸尚自庶幾每覺升元輔深期列大賢秉鈞方

咫尺鍛翮再聯翮禁掖朋從改徵班性命全青蒲甘受

戮白髮竟誰憐弟子貧原憲諸生老伏虔師資謙未達

鄉黨敬何先舊好腸堪斷新愁眼欲穿翠乾危棧竹紅

膩小湖蓮賈筆論孤憤嚴君賦幾篇定知深意苦莫使

衆人傳貝錦無停織朱絲有斷絃浦鷗防碎首霜鶻不

欽定四庫全書

唐詩品集
卷八十一

三

空拳地僻昏炎瘴山稠隘石泉且將棋度日應用酒為

年

劉云甚言避禍之道可念

典郡終微眇治中實棄捐安排求傲吏

比興展歸田去去才難得蒼蒼理又玄古人稱逝矣吾

道卜終焉隴外翻投跡漁陽復控弦笑為妻子累甘與

歲時遷親故行稀少兵戈動接聯他鄉饒夢寐失侶自

述遭多病加淹泊長吟阻靜便如公盡雄俊志在必騰

騫

劉云結語如此使人意盡律詩精深妥帖雖多至百韻

永嘉薛韶云老杜近體而首尾相應如常山之

蛇無間斷
語處矣

高適

信安王幕府詩并序三十韻

開元二十年國家有事林胡詔禮部尚書信安王
總戎大舉時考功郎中王公勲郎中劉公主客
郎中魏公侍御史李公監察御史崔公咸在幕府
詩以頌美數公見於詞云

雲紀軒皇代星高太白年廟堂咨上策幕府制中權盤
石藩維固昇壇禮樂先國章榮印綬公服貴貂蟬樂善

欽定四庫全書

唐詩品彙
卷八十一

三

旌深德輸忠格上玄剪桐光寵錫題劍美貞堅聖祚雄
圖廣師貞武德虔雷霆七校發旌旆五營連華省徵羣
又霜臺舉二賢豈伊公望遠曾是茂才遷並秉韜鈴術
兼該翰墨筵帝思麟閣像臣獻栢梁篇振玉登遼甸提
金歷薊墟度河飛羽檄橫海汎樓船北伐聲逾邁東征
務以專講戎喧洑野料敵靜居延軍勢持三略兵戎自
九天朝瞻授鉞去時聽偃戈旋大漠風沙裏長城雨雪
邊雲端臨碣石波際隱朝鮮夜壁衡高斗寒空駐綵旃

倚弓玄兔月飲馬白狼川關塞鴻勲著京華甲第全落
梅橫吹後春色凱歌前直道常兼濟微才獨棄捐曳裾
誠已矣投筆尚淒然作賦同元淑能詩匪仲宣雲霄不
可望空欲仰神仙

奉詔睢陽李太守

公族稱王佐朝經允帝求本枝彊我李盤石冠諸劉禮
樂光輝盛山河氣象系高周柱史名重晉陽秋華省
應推擇青雲寵宴遊握蘭多具美前席有嘉謀賦得黃

欽定四庫全書

唐詩品彙
卷八十一

三十五

金賜言皆白璧酬着鞭驅馬操刃解金牛出鎮兼方
伯承家復列侯朝瞻孔北海時用杜荊州廣固纔登陟
毘陵忽阻脩三台冀入夢四嶽向分憂郡邑連京口山
川望石頭海門當建節江路引鳴騶俗見中興理人逢
至道休先移白額橫更息赭衣偷梁國歌來晚徐方怨
不留豈伊齊政術將以變澆浮訟簡知能吏刑寬察要
囚坐堂風偃草行縣雨隨輶地是蒙莊宅城遺閼伯丘
孝王餘井逕微子故田疇冬至招搖轉天寒蟬蛭收猿

巖飛雨雪兔苑落梧楸列戟霜侵戶褰幃日在鈎好賢
當解榻乘興每登樓逸足橫千里高談注九流詩題青
玉案衣贈黑貂裘窮巷軒車靜閒齋耳目愁未能方管
樂翻欲慕巢由講德良難敵觀風豈易儔寸心仍有適
江海一扁舟

張籍

贈殷山人三十韵

鬱鬱山中客知名四十年
恓惶身獨隱寂寞性應便
世

欽定四庫全書

唐詩品彙
卷八十一

三

業公侯籍生涯黍稷田藤懸讀書帳竹繫網魚船已種
千頭橘新開數脉泉間遊攜酒遠出語向僧偏入洞題
松過看花選石眠避喧長汨沒逢勝即留連自古多高
跡如君少並肩耕耘此辛苦章句已流傳昔日交遊盛
當時省閣賢同袍還共弊連轡每推先講序居重席羣
儒願執鞭滿堂虛左待衆目望喬遷木異時難用情高
道自全畏人頻慘澹疎物勢迤邐達者聞知命吾生復
禮玄深藏報恩劍久降養生篇憔悴衆夫笑經過郡守

憐夕陽悲病鶴霜氣動饑鷗處士誰能薦窮途世所捐
伯鸞堪寄食元淑苦無錢策蹇秋塵裏吟詩黃葉前故
囊餘白領廢瑟斷朱絃志氣終猶在逍遙任自然家貧
念婚嫁身老戀雲煙放逸棲巖鹿清虛飲露蟬鄭逃秦
谷口嚴愛越溪邊霄漢予猶阻榮枯子不牽山城一相
遇感激意難宣

楊巨源

上劉侍中

命代生申甫承家翊禹湯廟謨膺間氣師律動清霜鐘
鼎勲庸大山河誠誓長英姿凌虎視逸步壓龍驤道協
陶鈞力恩迴日月光一言弘社稷九命備珪璋政洽軍
逾肅仁敷物已康朱門重榮戟丹詔半縑緗位總興龍
野師臨涿鹿鄉射鵬天更碧吹角塞仍黃深入平夷落
橫行闢漢疆功垂貞石遠名映色絲香斷磧瞻貔虎臨
池識鳳凰舞腰凝綺榭歌響拂雕梁杯淨傳鸚鵡裘鮮
照鸛鷀吟詩白羽扇校獵綠沈槍風景佳人地煙沙壯

士場幕中邀謝鑒麾下得周郎珠影含空徹瓊枝映座
芳玉渾知武子陳實獎元方富貴春無限歡娛夜未央
管絃隨玉帳樽俎奉金章俗理寧因勸邊城詎假防軍
容雄朔漢公望冠巖廊分野隣孤島京坻溢萬箱曙華
分碣石秋色入漁陽城遠迷玄兔川明辨白狼忠賢多
感激今古共蒼茫堤擁紅蕖艷橋分翠柳行軒車紛自
至亭館鬱相當珍簟迴煩暑曾軒引早涼聽琴知思靜
說劍覺神揚佳景燕臺上清輝鄭驛傍鼓聲喧北里珪

玉映東牀敢銜由之瑟甘循賜也牆官微思假路戰勝
忝升堂欲奮三年翼頻迴一夕腸消憂期酒聖乘興任
詩狂海內栽桃李天涯荷稻粱升沈門下意誰道在蒼蒼

鮑文姬

奉和御製麟德殿燕百僚

本在排律旁流
類遺書在此

睿澤光寰海功成展武韶戈鋌清外壘文物盛中朝聖
祚山河固宸章日月昭玉筵鸞鵠集仙管鳳凰調御柳
新低綠宮鶯乍轉嬌願承億兆慶千祀奉神堯



欽定四庫全書

唐詩品彙
卷八十一

唐詩品彙卷八十一

欽定四庫全書

集部

唐詩品彙卷八十二至
六

詳校官檢討臣德生

助教臣常循覆勘

總校官進士臣朱鈐

校對官編修臣勵守謙

膳錄監生臣愍意誠

新粧袿服照江東梅花落處疑殘雪柳葉開時正好風
火德雲官逢道泰天長地久屬年豐

守歲侍燕應制

季冬除夜接新年帝子王臣捧御筵宮闕星河低拂樹
殿庭燈燭上薰天彈絃奏節梅風入對局探鉤栢酒傳
欲向正元歌萬壽暫留歡賞寄春前

春日京中有懷

今年遊寓獨遊身愁思看春不當春上林苑裏花徒發

欽定四庫全書

唐詩品彙卷八十三

明 高棅 編

七言律詩一

正始

杜審言

大酺

毘陵震澤九州通士女歡娛萬國同
伐鼓撞鐘驚海上

細柳營前葉漫新
公子南橋應盡興
將軍西地幾留賓
寄語洛城風日道
明年春色倍還人

沈佺期

古意

樂府作
獨不見

盧家少婦鬱金堂

一作香

海燕雙棲玳瑁梁
九月寒砧催

木葉十年征戍憶
遼陽白狼河北音
書斷丹鳳城南秋
夜長誰為含愁獨
不見更教明月照
流黃

龍池篇

龍池躍龍龍已飛龍德先天天不違池開天漢分黃道
龍向天門入紫微卽第樓臺多氣色君王鳬雁有光輝
為報寰中百川水來朝此地莫東歸

興慶池侍宴應制

碧水澄潭映遠空紫雲香駕御微風漢家城闕疑天上
秦地山川似鏡中向浦迴舟萍已綠分林蔽殿槿初紅
古來徒羨橫汾賞今日宸遊聖藻雄

侍宴安樂公主新宅應制

皇家貴主好神仙，別業初開雲漢邊。
山出盡如鳴鳳嶺，池成不讓飲龍川。
粧樓翠幌教春住，舞閣金鋪借日懸。
敬從乘輿來此地，稱觴獻壽樂鈞天。

奉和春初幸太平公主南莊應制

主家山第早春歸，御輦春遊繞翠微。
買地鋪金曾作埽，尋河取石舊支機。
雲間樹色千花滿，竹裏泉聲百道飛。
自有神仙鳴鳳曲，併將歌舞報恩暉。

奉和春日幸望春宮應制

芳郊綠樹散春晴，複道離宮烟霧生。
楊柳千條花欲綻，蒲萄百丈蔓初縈。
林香酒氣元相入，鳥嘯歌聲各自成。
定是風光牽宿醉，來晨復得幸昆明。

奉和立春游苑迎春

東郊暫轉迎春仗，上苑初飛行慶杯。
風射蛟冰千片斷，氣衝魚鑰九關開。
林中覓草纔生蕙，殿裏爭花併是梅。
訶吹銜恩歸路晚，棲鳥半下鳳城來。

從幸香山寺應制

南山奕奕通丹禁北闕峨峨連翠雲
嶺上樓臺千地起城中鐘鼓四天聞
梅檀曉閣金輿度鸚鵡晴林采毼分
願以醍醐叅聖酒還將祇苑當秋汾

紅樓院應制

紅樓疑見白毫光寺逼宸居福盛唐
支遁愛山情漫切曇摩泛海路空長
經聲夜息聞天語爐氣晨飄接御香
誰謂此中難可到自憐深院得徊翔

再入道場紀事應制

南方歸去再生天內殿今年異昔年見闢乾坤新定位
看題日月更高懸行隨香輦登仙路坐近爐烟講法筵
自喜恩深陪侍從兩朝長在聖人前

嵩山石淙侍宴應制

金輿旦下綠雲衢綵殿晴臨碧澗隅溪水泠泠逐行漏
山烟片片引香爐仙人六膳調神鼎玉女三漿捧帝壺
自惜汾陽紆道駕無如太室覽真圖

遙同杜員外審書過嶺

天長地濶嶺頭分去國離家見白雲
洛浦風光何所似
崇山瘴癘不堪聞
南浮漲海人何處
北望衡陽雁幾羣
兩地江山萬餘里
何時重謁聖明君

宋之問

奉和春初幸太平公主南莊應制

青門路接鳳凰臺
素澹宸遊龍騎來
澗草自迎香輦合
巖花應待御筵開
文移北斗成天象
酒近南山作壽杯
此日侍臣將石去
共歡明主賜金迴

三陽宮石淙侍宴應制

離宮秘苑勝瀛洲，別有仙人洞壑幽。
巖邊樹色含風冷，石上泉聲帶雨秋。
鳥向歌筵來度曲，雲依帳殿結為樓。

微臣昔忝方明

莊子作方歟

御今日還陪八駿遊

蘇瓌

興慶池侍宴應制

金闕平明宿霧收，瑤池式宴俯清流。
瑞鳳飛來隨帝輦，祥魚出戲躍王舟。
帷齊綠樹當筵密，蓋轉緗荷接岸浮。

如臨竊比微臣懼若濟叨陪聖主遊

韋元旦

興慶池侍宴應制

滄池潏沆帝城邊殊勝昆明鑿漢年
夾岸旌旗疏輦道中流簫鼓振樓船
雲峰四起迎宸幄水樹千重入御筵
宴樂已深魚藻詠承恩更欲奏甘泉

幸安樂公主山莊應制

銀河南渚帝城隅帝輦平明出九衢
刻鳳蟠螭凌桂邸

穿池疊石寫蓬壺璫簫暫下鈞天樂綺綴長懸明月珠
仙榜承恩爭既醉方知朝野更歡娛

宗楚客

奉和辛安樂公主山莊應制

玉樓銀榜枕嚴城翠蓋紅旗列禁營日映層巖圖畫色
風搖雜樹管絃聲水邊重閣含飛動雲裏孤峯類削成
幸覩八龍遊閬苑無勞萬里訪蓬瀛

盧藏用

奉和立春遊苑迎春

天遊龍輦駐城闔上苑遲光晚更新
瑤臺半入黃山路
玉檻傍臨玄灞津梅香欲待歌前落
蘭氣先過酒上春
幸預栢臺稱獻壽願陪千畝及農辰

奉和幸安樂公主山莊應制

皇女璫臺天漢潯星橋月宇創山林
飛蘿半拂銀題影
瀑布環流玉砌陰菊浦香隨鸚鵡泛
簫樓韻逐鳳凰吟
瑤池駐蹕恩方久璧月無文興轉深

李嶠

奉和初春幸太平公主南莊應制

主家山第接雲開，天子春遊動地來。
羽騎參差花外轉，霓旌搖曳日邊迴。
還將石溜調琴曲，更取峯霞入酒杯。
鸞輅已辭烏鵲渚，簫聲猶繞鳳凰臺。

太平公主山亭侍燕應制

黃金瑞榜絳河隈，白玉仙輿紫禁來。
碧樹青岑雲外聳，朱樓畫壁水中開。
龍舟下瞰鰲人室，羽節高臨鳳女臺。

遽惜歡娛歌吹晚揮戈更却曜靈回

趙彥昭

侍燕安樂公主新宅應制

六龍齊軫御朝曦雙鷁維舟下綠池
飛觀仰看雲外聳浮橋直見海中移
靈泉巧鑿天孫渚孝筍能抽帝女枝
幸願一生同草樹年年歲歲樂於斯

人日侍燕大明宮應制

寶契無為屬聖人
琨輿出幸玩芳辰
平樓半入南山露

飛閣旁臨東野春夾路穠花千樹發垂軒弱柳萬條新
處處風光今日好年年願奉屬車塵

奉和初春幸太平公主南莊應制

主第岩扃架鵲橋天門閭闔降鸞鑣歷亂旌旗轉雲樹
參差臺榭入煙霄林間花雜平陽舞谷裏鶯和弄玉簫
已陪泌水追歡日行奉茅山訪道朝

李適

中宗皇帝幸興慶池戲競渡應制

拂露金輿丹旆轉凌晨黼帳碧池開南山倒影從雲落
北澗搖光寫浪迴急舸爭標排荇度輕帆截浦觸荷來
橫汾燕鎬歡無極謠舞年年聖壽杯

奉和立春遊苑迎春

金輿玉輦迎嘉節御苑仙宮待獻春淑氣初銜梅色淺
條風半拂柳墻新天杯慶壽濟南岳聖藻光輝動北辰
稍覺披香歌吹近龍驂薄暮下城闈

奉和人日燕大明宮恩賜綵縷人勝應制

朱城待鳳韶年至碧殿疏龍淑氣來寶帳金屏人已帖
圖花學鳥勝初栽林香近接宜春苑山翠遙添獻壽杯
向夕憑高風景麗天文垂耀象昭回

劉憲

和立春日內出綵花樹

禁苑韶年此日歸東郊道上轉青旗柳色梅芳何處所
風前雪裏覓芳菲開冰池內魚新躍剪綵花間燕始飛
欲識王遊布陽氣為觀天藻競春輝

岑羲

和立春日內出綵花樹

和風助律應韶年清蹕乘高入望仙
花笑鶯歌迎帝輦
雲披日霽俯皇川南山近壓仙樓上
北斗平臨魏闕前
一奉恩榮同鎬燕空如率舞聽薰絃

徐彥伯

奉和中宗皇帝幸興慶池戲競渡應制

夾道傳呼翊翠虬天迴地轉御芳洲
青潭曉靄籠仙蹕

紅嶼晴花隔綵旒香溢金環盈廣坐聲傳妓舸匝中流
羣臣相慶嘉魚樂共哂橫汾歌吹秋

馬懷素

奉和幸安樂公主山莊應制

主家臺沼勝平陽帝幸歡樂未央掩映瑤牕交極浦
參差綉戶繞迴塘泉聲百處傳謠曲樹影千重對舞行
聖酒一霑何以報唯忻頌德奉時康

奉和立春遊苑迎春

玄籥飛灰出洞房青郊迎氣肇初陽仙輿暫下宜春苑
御醴行開薦壽觴映水輕苔猶隱綠綠堤弱柳未舒黃
唯有栽花飾簪鬢恒隨聖藻狎年光

鄭愔

奉和春日幸望春宮

晨蹕凌高轉翠旌春樓望遠背朱城忽排花上游天苑
却坐雲邊看帝京百草香心初冒蝶千林嫩葉始藏鶯
幸同葵藿傾陽早願比盤根應候榮

人日侍燕大明宮

瓊殿含光映早輪
玉鑾嚴蹕望初晨
池開凍水仙宮麗
樹發寒花禁苑新
佳氣徘徊籠細網
殘雲淅瀝染輕塵
良時荷澤皆迎勝
窮谷晞陽猶未春

蘇頲

侍燕安樂公主新宅應制

駉駉羽騎歷城池
帝女樓臺向晚披
露灑旌旗雲外出
風迴巖岫雨中移
當軒半落天河水
遠遶全低月樹枝

簫鼓宸遊陪燕日和鳴雙鳳喜來儀

奉和春日幸望春宮應制

東望望春春可憐更逢晴日柳含烟
宮中下見南山盡城上平臨北斗懸

劉云句壯

細草偏承迴輦處飛花故落舞

觴前宸遊對此歡無極鳥哢歌聲雜管絃

廣達樓下夜侍醺燕應制

東岳封迴燕洛京西墉通晚會
公卿樓臺絕勝宜春苑
燈火還同不夜城
正覩人間朝市樂忽聞天上管絃聲

酺來萬舞羣臣醉喜戴千年聖主明

扈從鄴杜間奉呈刑部尚書舅崔黃門馬常侍
翠輦紅旗出帝京長楊鄴杜昔知名雲山一一看皆美
竹樹蕭蕭畫不成羽騎將過持袂拂香車欲度捲簾行
漢家曾草巡遊賦何似今來應聖明

人日燕大明宮賜綵縷人勝應制

䟽龍磴道切昭回建鳳旗門遶帝臺七葉仙萸承月吐
千株御柳拂烟開初年競帖宜春勝長命先添獻壽杯

是日最靈知竊幸羣心能捧大明來

興慶池侍燕應制

降鶴池前迴步輦棲鸞樹杪出行宮
山光積翠遙疑逼水態含青近若空
直視天河垂象外俯窺京室畫圖中
皇情未使恩波極日暮樓船更起風

奉和初春幸太平公主南莊應制

主第山門起灞川宸遊風景入初年
鳳凰樓下交天仗烏鵲橋頭敞御筵
往往花間逢綵石時時竹裏見紅泉

今朝扈蹕平陽館不羨乘槎雲漢邊

春晚紫薇省直寄內

直省清華接建章向來無事日猶長
花間燕子棲鵲竹下鸛鷀繞鳳凰
內史通宵承紫誥中人落晚愛紅妝
別離不慣無窮憶莫誤卿卿學太常

張說

三月三日承恩遊宴定昆池官莊

得筵字

鳳凰樓下帶天泉鸛鷀洲中雜管絃
舊試平陽佳麗地

今逢上巳盛明年舟將水動千尋日幕共林橫兩岸烟
不降王人觀禊飲誰令醉舞拂賓筵

奉和春日幸望春宮

別館芳菲上苑東飛花淡蕩御筵紅城臨渭水天河靜
闕對南山雨露通遶殿流鶯凡幾樹當蹊亂蝶許多叢
春園既醉心和樂共識皇恩造化同

幽州新歲作

去歲荆南梅似雪今年薊北雪如梅共知人事何嘗定

且喜年華去復來邊鎮戍歌連日動京城燎火徹明開
遙遙西向長安日願上南山壽一杯

澠湖山寺

空山寂歷道心生虛谷迢遙野鳥聲禪室從來雲外賞
香臺豈是世中情雲間東嶺千重出樹裏南湖一片明
若使巢由同此意不將蘿薜易簪纓

遙同蔡起居偃松篇

清都衆木總榮芬傳道孤松最出羣名接天庭多景色

氣連宮闕借氛氲懸池的的停華露偃葢重重拂瑞雲
不惜流膏助仙鼎願將楨榦捧明君

賈曾

奉和春日出苑矚目應令

銅龍曉闕問安迴金輅春遊博望開渭水晴光搖草樹
終南佳氣入樓臺招賢已從商山老托乘還徵鄴下才
臣在東周獨留滯忻逢睿藻日邊來

武平一

奉和立春日內出綵花樹

鑾輅青旗下帝臺東郊上苑望春來黃鶯未解林間轉
紅蕊先從殿裏開畫閣條風初變柳銀塘曲水半含苔
欣逢睿藻光韶律更促霞觴畏景催

李邕

奉和初春幸太平公主南莊應制

傳聞銀漢支機石復見金輿出紫微織女橋邊烏鵲起
仙人樓上鳳凰飛流風入座飄歌扇瀑水當階澣舞衣

今日還同犯牛斗乘槎共泛海潮歸

蔡希周

奉和扈從溫泉宮承恩賜浴

天行雲從指驪宮浴日餘波錫詔同綵殿氤氲擁香溜
紗牕宛轉閉和風來將蘭氣衝皇澤去引星文捧碧空
自憐遇坎便能止幾託仙槎路未通

張九齡

奉和聖製早發三卿山行

羽衛森森西向秦山川厯厯在清晨晴雲稍卷寒巖樹
宿雨能消御路塵聖德由來合天道靈符卽此應時巡
遺賢一一皆羅致猶欲高深訪隱淪

孫逖

和左司張員外自洛使入京中路先赴長安逢
立春日贈韋侍御及諸公

忽覩雲間數雁迴更逢山上一花開河邊淑氣迎芳草
林下輕風待落梅秋憲府中高唱入春卿署裏和歌來

共言東閣招賢地自有西征作賦才

唐詩品彙卷八十二

欽定四庫全書

唐詩品彙卷八十三

明 高棟 編

七言律詩二

正宗

崔顥

黃鶴樓

嚴滄浪云唐人七言律詩當以崔顥黃鶴樓為第一

昔人已乘白雲去此地空餘黃鶴樓黃鶴一去不復返

白雲千載空悠悠晴川歷歷漢陽樹芳草萋萋鸚鵡洲

日暮鄉關何處是烟波江上使人愁

劉後村云古人服善李白登黃鶴樓

有眼前有景道不得崔顥題詩在上頭之句至金陵乃作鳳凰臺以擬之今觀二詩真敵手暮也

劉須溪云

但以滔滔莽莽有跡宕之氣故勝巧思

行經華陰

崑崙太華俯咸京天外三峯削不成武帝祠前雲欲散
仙人掌上雨初晴河山北枕秦關險驛路西連漢時平
借問路傍名利客無如此處學長生

李白

登金陵鳳凰臺

范德機云登臨詩首尾好結更悲壯七言律之可法者也

鳳凰臺上鳳凰遊，鳳去臺空江自流。
吳宮花草埋幽徑，

晉代衣冠成古丘。
三山半落青天外，二水中分白鷺洲。

總為浮雲能蔽日，長安不見使人愁。

劉須溪云其開口雄偉脫落雕飾俱

不論若無後兩句亦不必作出於崔顥而特勝之以此云

送賀監歸四明應制

久辭榮祿遂初衣，曾向長生說息機。
真訣自從茅氏得，

恩波應許洞庭歸
瑤臺含霧星辰滿
仙嶠浮雲島嶼微
借問欲栖珠樹鶴
何年却向帝城飛

別中都兄明府

吾兄詩酒繼陶君
試宰中都天下聞
東樓喜奉連枝會
南陌愁為落葉分
城隅綠水明秋日
海上青山隔暮雲
取醉不辭留夜月
雁行中斷惜離羣

題東溪公幽居

杜陵賢人清且廉
東溪卜築歲將淹
宅近青山同謝朓

門垂碧柳似陶潛好鳥迎春歌後院飛花送酒舞前簷
客到但知留一醉盤中祇有水精鹽

劉頊漢云律
穩麗意濃

鸚鵡洲

鸚鵡東過吳江水江上洲傳鸚鵡名鸚鵡西飛隴山去
芳洲之樹何青青烟開蘭葉香風起岸夾桃花錦浪生

遷客此時徒極目長洲孤月向誰明

劉須溪云猶是鳳
臺餘韻情景雖稱

終覺豪勝此以
正平弔正平者

題雍丘崔明府丹竈

美人為政本忘機服藥求仙事不違
葉縣已泥丹竈畢瀛洲當伴赤松歸
先師有訣神將助大聖無心火自飛
九轉但能生羽翼雙鳧忽去定何依

賈至

早朝大明宮呈兩省僚友

銀燭朝天紫陌長禁城春色曉蒼蒼
千條弱柳垂青鎖百轉流鶯遶建章
劍佩聲隨玉墀步衣冠身惹御爐香
共沐恩波鳳池上朝朝染翰侍君王

王維

和賈至舍人早朝大明宮之作

絳幘雞人報曉籌，尚衣方進翠雲裘。
九天闔闔開宮殿，

萬國衣冠拜冕旒。

劉須溪云：帖子語頗不凝重。

日色纔臨仙掌動，香

烟欲傍袞龍浮。
朝罷須裁五色詔，珮聲歸到鳳池頭。

和太常韋主簿五郎溫泉寓目

漢主離宮接露臺，秦川一半夕陽開。
青山盡是朱旗繞，碧澗翻從玉殿來。
新豐樹裏行人度，小苑城邊獵騎回。

聞道甘泉能獻賦懸知獨有子雲才

大同殿生玉芝龍池上有慶雲百官共覩聖恩
便賜燕樂敢書即事

欲笑周文訝燕鎬還輕漢武樂橫汾豈知玉殿生三秀
詎有銅池出五雲陌上堯尊傾北斗樓前舜樂動南薰
共歡天意同人意萬歲千秋奉聖君

奉和聖製從蓬萊向興慶閣道中留春雨中春
望之作應制

渭水自縈秦塞曲
黃山舊遶漢宮斜
鑾輿迴出千門柳
閣道迴看上苑花
雲裏帝城雙鳳闕
雨中春樹萬人家
為乘陽氣行時令
不是宸遊玩物華

李愜

李愜止一首當在王維送少
府貶柳州之後原板疑誤

奉和聖製從蓬萊向興慶閣道中留春雨中春
望之作應制

別館春還淑氣催
三宮路轉鳳凰臺
雲飛北闕輕陰散

雨歇南山積翠來御柳遙隨天仗發
林花不待曉風開
已知聖澤深無限更喜年芳入睿才

勅賜百官櫻桃

時為文部郎中

芙蓉闕下會千官紫禁朱櫻出上闌
纔是寢園春薦後
非闕御苑鳥銜殘歸鞍競帶青絲籠
中使頻傾赤玉盤
飽食不須愁內熱大官還有蔗漿寒

勅借岐王九成宮避暑應制

帝子遠辭丹鳳闕天書遙借翠微宮
隔牕雲霧生衣上

卷幔山泉入鏡中
林下水聲喧笑語
巖前樹色隱房櫺
仙家未必能勝此
何事吹簫向碧空

酌酒與裴迪

酌酒與君君自寬
人情反覆似波瀾
白首相知猶按劍
朱門先達笑彈冠
草色全經細雨濕
花枝欲動春風寒
世事浮雲何足問
不如高卧且加餐

出塞作

居延城外獵天驕
白草連天野火燒
暮雲空磧時驅馬

秋日平原好射鵬護羌校尉朝乘障破虜將軍夜渡遼
玉靶角弓珠勒馬漢家將賜霍嫖姚

訓郭給事

洞門高閣靄餘暉桃李陰陰柳絮飛禁裏疎鐘官舍晚
省中啼鳥吏人稀晨搖玉佩趨金殿夕奉天書拜瑣闥
強欲從君無那老將因卧病解朝衣

積雨輞川莊作

積雨空林烟火遲蒸藁炊黍餉東菑漠漠水田飛白鷺

陰陰夏木轉黃鸝

劉須溪云寫景自然造意又極辛苦

山中習靜觀朝槿

松下清齋折露葵
野老與人爭席罷
海鷗何事更相疑

春日與裴迪過新昌里訪呂逸人不遇

桃源面面絕風塵
柳市南頭訪隱淪
到門不敢題凡鳥
看竹何須問主人
城外青山如屋裏
東家流水入西隣

閉戶著書多歲月
種松皆作老龍鱗

劉須溪云青山流水自在

過乘如禪師蕭居士嵩丘蘭若

無著天親弟與兄
嵩丘蘭若一峯晴
食隨鳴磬巢鳥下

行踏空林落葉聲
迸水定侵香案濕
雨花應共石牀平
深洞長松何所有
儼然天竺古先生

送楊少府貶郴州

明到衡山與洞庭
若為秋月聽猿聲
愁看北渚三湘遠
惡說南風五兩輕
青草瘴時過夏口
白頭浪裏出湓城
長沙不久留才子
賈誼何須弔屈平

李頎

送魏萬之京

朝聞遊子唱離歌
昨夜微霜初渡河
鴻雁不堪愁裏聽
雲山況是客中過
關城曙色催寒近
御苑砧聲向晚多
莫是長安行樂處
空令歲月易蹉跎

送司勳盧員外

流澌臘月下河陽
草色新年發建章
秦地立春傳太史
漢宮題柱憶仙郎
歸鴻欲度千門雪
侍女新添五夜香
早晚薦雄文似者
故人今已賦長楊

題睿公山池

遠公遁跡廬山岑開士幽居祇樹林
片石孤峯窺色相清池皓月照禪心
指揮如意天花落坐卧間房春草深
此外俗塵都不染惟餘玄度得相尋

寄綦母三

新加大邑綬仍黃近與單車去洛陽
顧盼一過丞相府風流三接令公香
南川粳稻花侵縣西嶺雲霞色滿堂
共道進賢蒙上賞看君幾歲作臺郎

送李回

知君官屬大司農
詔幸驪山職事雄
歲發金錢供御府
畫看仙液注離宮
千巖曙雪旌門上
十月寒花輦路中
不覩聲明與文物
自傷留滯去闕東

宿瑩公禪房聞梵

花宮仙梵遠微微
月隱高城鐘漏稀
夜動霜林驚落葉
曉聞天籟發清機
蕭條已入寒空靜
颯沓仍隨秋雨飛
始覺浮生無住著
頓令心地欲皈依

題盧五舊居

物在人亡無見期閒庭繫馬不勝悲牕前綠竹生空地
門外青山似舊時悵望青天鳴墜葉巒岼枯柳宿寒鴟
憶君淚落東流水歲歲花開知為誰

祖詠

望薊門

燕臺一去客心驚笙鼓喧喧漢將營萬里寒光生積雪
三邊曙色動危旌沙場烽火侵胡月海畔雲山擁薊城
少小雖非投筆吏論功還欲請長纓

崔曙

九日登仙臺呈劉明府

漢文皇帝有高臺此日登臨曙色開
三晉雲山皆北向
二陵風雨自東來
關門令尹誰能識
河上仙翁去不回
且欲近尋彭澤宰
陶然共醉菊花杯

孟浩然

登安陽城樓

縣城南面漢江流
江嶂開成南雍州
才子乘春來騁望

羣公暇日坐銷憂樓臺晚映青山郭羅綺晴嬌綠水洲
向夕波搖明月動更疑神女弄珠遊

登萬歲樓

萬歲樓頭望故鄉獨令鄉思更茫茫天寒雁度堪垂淚
月落猿啼欲斷腸曲引古堤臨凍浦斜分遠岸近枯楊
今朝偶見同袍友却喜家書寄八行

萬楚

五日觀妓

西施謾道浣春紗
碧玉今時鬪麗華
眉黛奪將萱草色
紅裙妬殺石榴花
新歌一曲令人艷
醉舞雙眸斂鬢斜
誰道五絲能續命
却令今日死君家

張謂

別韋郎中

星軺計日赴岷峨
雲樹連天阻笑歌
南入洞庭隨雁去
西過巫峽聽猿多
崢嶸洲上飛黃蝶
艷潏堆邊起白波
不醉郎中桑落酒
教人無奈別離何

杜侍御送貢物戲贈

銅柱朱崖道路難
伏波橫海舊登壇
越人自貢珊瑚樹
漢使何勞獬豸冠
疲馬山中愁日晚
孤舟江上畏春寒
由來此貨稱難得
多恐君王不忍看

高適

送前衛縣李案少府

黃鳥翩翩楊柳垂
春風送客使人悲
怨別自驚千里外
論交却憶十年時
雲開汶水孤帆遠
路遶梁山疋馬遲

此地從來可乘興留君不住益淒其

送李少府貶峽中王少府貶長沙

嗟君此別意何如駐馬銜盃問謫居巫峽啼猿數行淚
衡陽歸雁幾封書青楓江上秋天遠白帝城邊古木疎
聖代即今多雨露暫時分手莫躊躇

同陳留崔司戶早春宴蓬池

同官載酒出郊圻晴日東馳雁北飛隔岸春雲邀翰墨
傍簷垂柳報芳菲池邊轉覺虛無盡臺上偏宜酩酊歸

州縣徒勞那可度後時連騎莫相違

夜別韋司士

得成字

高館張鐙酒復清夜鐘殘月雁歸聲只言啼鳥堪求侶
無那春風欲送行黃河曲裏沙為岸白馬津邊柳向城
莫怨他鄉暫離別知君到處有逢迎

岑參

和賈至舍人早朝大明宮之作

鷄鳴紫陌曙光寒鶯轉皇州春色闌金闕曉鐘開萬戶

玉階仙仗擁千官
花迎劍佩星初落
柳拂旌旗露未乾
獨有鳳凰池上客
陽春一曲和皆難

和祠部王員外雪後早朝即事

長安雪後似春歸
積素凝華連曙輝
色借玉珂迷曉騎
光添銀燭晃朝衣
西山落月臨天仗
北闕晴雲捧禁闈
聞道仙郎歌白雪
由來此曲和人稀

西掖省即事

西掖重雲開曙暉
北山疎雨點朝衣
千門柳色連青瑣

三殿花香入紫微
平明端笏陪駕列
薄暮垂鞭信馬歸
官拙自悲頭白盡
不如巖下偃荆扉

奉和杜相公發益州

相國臨戎別帝京
擁旄持節遠橫行
朝登劍閣雲隨馬
夜渡巴江雨洗兵
山花萬朶迎征蓋
川柳千條拂去旌
暫到蜀城應計日
須知明主待持衡

九日使君席奉餞衛中丞赴長水

節使橫行西出師
鳴弓擐甲羽林兒
臺上霜威凌草木

軍中殺氣傍旌旗
預知漢將宣威日
正是胡塵欲滅時
為報使君多泛菊
更將絃管醉東籬

使君席夜送嚴河南赴長水

嬌歌急管雜青絲
銀燭金杯映翠眉
使君地主能相送
河尹天明坐莫辭
春城月出人皆醉
野戍花深馬去遲
寄聲報爾山翁道
今日河南勝昔時

赴嘉州過城固縣尋永安超禪師房

滿樹枇杷冬著花
老僧相見具袈裟
漢王城北雪初霽

韓信壇西日欲斜門外不須催五馬林中且聽演三車
豈料巴川多勝事為君書此報京華

首春渭西郊行呈藍田張二主簿

回風度雨渭城西細草新花踏作泥秦女峯頭雪未盡
胡公陂上日初低愁窺白髮羞微祿悔別青山憶舊溪
聞道輞川多勝事玉壺春酒正堪攜

秋夕讀書幽興獻兵部李侍郎

年紀蹉跎四十強自憐頭白始為郎雨滋苔蘚侵堦綠

秋颯梧桐覆井黃驚蟬也解求高樹旅雁還應厭後行
覽卷試穿鄰舍壁明燈何惜借餘光

暮春虢州東亭送李司馬歸扶風別廬

柳驪鶯嬌花復殷紅亭綠酒送君還到來函谷愁中月
歸去磻溪夢裏山簾前春色應須惜世上浮名好是閒
西望鄉關腸欲斷對君衫袖淚痕斑

王昌齡

萬歲樓

江上巍巍萬歲樓不知經歷幾千秋年年喜見山長在
日日悲看水獨流損杭何曾離莫嶺鷓鴣空自泛寒洲
誰堪登望雲烟裏向晚茫茫發旅愁

唐詩品彙卷八十三

欽定四庫全書

唐詩品彙卷八十四

明 高棟 編

七言律詩三

大家

杜甫

題張氏隱居

開元二十四年
後遊東都作

春山無伴獨相求
伐木丁丁山更幽
澗道餘寒歷冰雪

石門斜日到林丘不貪夜識金銀氣遠害朝看麋鹿遊
乘興杳然迷出處對君疑是泛虛舟

城西陂泛舟

天寶十三年作

青蛾皓齒在樓船橫笛短簫悲遠天春風自信牙檣動
劉須溪云佳處遲日徐看錦纜牽魚吹細浪搖歌扇燕蹴飛花
落舞筵不有小舟能盪漿百壺那送酒如泉

奉和賈至舍人早朝大明宮

乾元元年
巳後作

五夜漏聲催曉箭九重春色醉仙桃旌旗日暖龍蛇動

宮殿風微燕雀高

劉云壯麗自是若非微字清
洒不免癡肥矣設發此議

朝罷香

烟攜滿袖詩成珠玉在揮毫欲知世掌絲綸美池上于
今有鳳毛

宣政殿退朝晚出左掖

天門日射黃金榜春殿晴曛赤羽旗宮草霏霏承委佩
爐煙細細駐游絲雲近蓬萊常五色雪殘鳩鵲亦多時

劉云佳處
自在可想

侍臣緩步歸青瑣退食從容出每遲

紫宸殿退朝口號

戶外昭容紫袖垂雙瞻御座引朝儀香飄合殿春風轉

花覆千官淑景移

劉云從容富麗

晝漏稀聞高閣報天顏有喜

近臣知

劉云意外意

宮中每出歸東省會送夔龍集鳳池

曲江

一片花飛減却春風飄萬點正愁人且看欲盡花經眼

莫厭傷多酒入唇

劉云小縱絕墨最是傾倒律詩不甚縛律者

江上小堂巢

翡翠苑邊高塚卧麒麟

警策之至可以動悟不特麗句而已

細推物理須

行樂何用浮名絆此身

方虛谷云起二句絕妙一片花飛且不可而況於萬點乎五六

離亂

曲江對酒

苑外江頭坐不歸，水精宮殿轉霏微。
桃花細逐楊花落，黃鳥時兼白鳥飛。

劉云四句亦自恣肆

縱飲久拚人共棄，懶朝真

與世相違。吏情更覺滄洲遠，老大徒悲未拂衣。

曲江值雨

城上春雲覆苑牆，江亭晚色靜年芳。
林花着雨胭脂落，水荇牽風翠帶長。
龍武新軍深駐輦，芙蓉別殿謾焚香。

何時詔此金錢會暫醉佳人錦瑟傍

九日藍田崔氏莊

老去悲秋強自寬興來今日盡君歡羞將短髮還吹帽
笑倩傍人為整冠藍水遠從千澗落玉山高竝兩峯寒

楊誠齋詩話云詩人至此筆力多衆今方且雄傑挺拔喚起一篇精神非筆力不至於此明年此會

知誰健醉把茱萸仔細看

陳後山詩話云孟嘉落帽前世以為勝絕子美九日詩云

羞將短髮還吹帽笑倩傍人為正冠其文雅曠達不減昔人故謂詩非力學可致正須胸中度世耳

恨別

乾元
年作

洛陽一別四千里胡騎長驅五六年草木變衰行劍外
兵戈阻絕老江邊思家步月清宵立憶弟看雲白日眠
聞道河陽近乘勝司徒急為破幽燕

蜀相

上元年
成都府作

丞相祠堂何處尋錦官城外柏森森
映階碧草自春色隔葉黃鸝空好音
三顧頻繁天下計兩朝開濟老臣心
出師未捷身先死長使英雄淚滿襟

劉云全首如此一字一淚矣又云寫

得使人不忍讀故以為至又
云千年遺下此語使人意傷

野老

野老籬前江岸迴柴門不正逐江開漁人網集澄潭下

賈客舟隨返照來

劉云句洗削

長路闔心悲劍閣片雲何意

傍琴臺

劉云此等亦與人意無異也

王師未報收東郡城闕秋生畫

角哀

公自註云得稱城闕

和裴迪登蜀州東亭送客逢早梅相憶見寄

東閣官梅動詩興還如何遜在揚州此時對雪遙相憶
送客逢春可自由幸不折來傷歲暮若為看去亂鄉愁

劉云亦宛轉沉着

江邊一樹垂垂發朝夕催人自白頭

送韓十四江東省親

上元二年作

兵戈不見老萊衣嘆息人間萬事非我已無家尋弟妹

君今何處訪庭闈黃牛峽靜灘聲轉白馬江寒樹影稀

此別應須各努力故鄉猶恐未同歸

劉云子美自謂深悲極怨者

野望

寶應元年成都府作

西山白雪三城戍南浦清江萬里橋海內風塵諸弟隔
天涯涕淚一身遥唯將遲暮供多病未有涓埃答聖朝

跨馬出郊時極目不堪人事日蕭條

涪城縣香積寺官閣

廣德元年梓州作

寺下春江深不流山腰官閣迴添愁含風翠壁孤雲細
背日丹楓萬木稠小院迴廊春寂寂浴鳬飛鷺晚悠悠
諸天合在藤蘿外昏黑應須到上頭

玉臺觀

滕王造廣德二年閬州作

中天積翠玉臺遙上帝高居絳節朝遂有馮夷來擊鼓
始知羸女善吹簫江光隱見鼉鼉窟石勢參差烏鵲橋

劉云雖是江境語有神鳥更有紅顏生羽翰便應黃髮老漁樵

登樓

廣德二年成都作

花近高樓傷客心萬方多難此登臨錦江春色來天地

玉壘浮雲變古今

石林詩話云七言難於氣象雄渾句中有力量而紆餘不失言外之意者自

老杜錦江玉壘之後常恨無復繼者

北極朝廷終不改西山寇盜莫相侵

可憐後主還祠廟日暮聊為梁甫吟

劉云先主廟中乃亦有後主此亡國

者何足祠徒使人思諸葛梁甫之恨而已梁甫吟亦興廢之感也武侯以之

院中晚晴懷西郭茅舍

廣德三年成都作

幕府秋風日夜清淡雲跡雨過高城葉心朱實堪時落
階面青苔先自生復有樓臺銜暮景不勞鐘鼓報新晴
浣花溪裏花饒笑肯信吾兼吏隱名

宿府

清秋幕府井梧寒獨宿江城蠟炬殘永夜角聲悲自語
中天月色好誰看劉云上風塵荏苒音書絕闕塞蕭條
行路難已忍伶俜十年事強移棲息一枝安

秋興八首

大歷元年秋夔州作劉云八詩大體沈雄富麗哀傷無限盡在言外故自

不厭確實小家
數不可彷彿耳

玉露凋傷楓樹林巫山巫峽氣蕭森江間波浪兼天湧

塞上風雲接地陰叢菊兩開他日淚

劉云此七字痛甚

孤舟一繫

故園心寒衣處處催刀尺白帝城高急暮砧

夔府孤城落日斜每依南斗望京華聽猿實下三聲淚

劉云語苦

奉使虛隨八月槎畫省香爐違伏枕山樓粉堞隱

悲笳請看石上藤蘿月已映洲前蘆荻花

千家山郭靜朝暉日日江樓坐翠微信宿漁人還汎汎

劉云汎汎無所得也

清秋燕子故飛飛
匡衡抗疏功名薄
劉向傳

經心事違

劉云既前後不相涉只用二人名亦莫知其意之所在落落可人

同學少年

多不賤
五陵衣馬自輕肥

聞道長安似奕碁
百年世事不勝悲
王侯第宅皆新主
文武衣冠異昔時
直北關山金鼓振
征西車馬羽書遲
魚龍寂寞秋江冷
故國平居有所思

蓬萊宮闕對南山
承露金莖霄漢間
西望瑤池降王母
東來紫氣滿函關

劉云律句有北自覺雄渾

雲移雉尾開宮扇
日繞

龍鱗識聖顏一卧滄江驚歲晚幾回青瑣點朝班

昆明池水漢時功武帝旌旗在眼中織女機絲虛夜月
石鯨鱗甲動秋風波漂菰米沉雲黑露冷蓮房墜粉紅
關塞極天唯鳥道江湖滿地一漁翁

瞿塘峽口曲江頭萬里風烟接素秋花萼夾城通御氣

芙蓉小苑入邊愁

劉云兩句寫辛蜀之怨懷故京之思不分遠近如將見其實焉珠簾

綉柱圍黃鵠錦纜牙樯起白鷗

劉云對句耳不足為雅麗迴首可憐

歌舞地秦中自古帝王州

昆吾御宿自逶迤紫閣峯陰入漢陂香稻啄餘鸚鵡粒

碧梧棲老鳳凰枝

劉云語有悲慨可念

佳人拾翠春相問仙侶同

舟晚更移

劉云甚有風韻春字又勝

綵筆昔曾干氣象白頭吟望苦

低垂

吹笛

吹笛秋山風月清誰家巧作斷腸聲風飄律呂相和切

月傍闌山幾處明胡騎中宵堪北走武陵一曲想南征

故園楊柳今搖落何得愁中却盡生

方虛谷云慷慨悲怨自是一種風味

夜

露下天高秋氣清
空山獨夜旅魂驚
踈燈自照孤帆宿
新月猶懸雙杵鳴
南菊再逢人卧病
北書不至雁無情
步檐倚杖看牛斗
銀漢遙應接鳳城

詠懷古跡二首

羣山萬壑赴荆門
生長明妃尚有村

劉云起得磊落

一去紫臺

連朔漠獨留青塚向
黃昏畫圖省識春風面
環珮空歸月夜魂
千載琵琶作胡語
分明怨恨曲中論

諸葛大名垂宇宙宗臣遺像肅清高三分割據紆籌策
萬古雲霄一羽毛伯仲之間見伊呂指揮若定失蕭曹

劉云兩語氣緊別足掩上句之劣
知已語贊孔明者不能復出此也運移漢祚終難復志

決身殲軍務勞

閣夜

大歷元年
冬夔州作

歲暮陰陽催短景天涯霜雪霽寒宵五更鼓角聲悲壯
三峽星河影動搖野哭千家聞戰伐夷歌幾處起漁樵
卧龍躍馬終黃土人事音書謾寂寥

劉云第三四句對
看自是無窮俯仰

悲之

返照

大歷二年
夏夔州作

楚王宮北正黃昏白帝城西過雨痕返照入江翻石壁

歸雲擁樹失山村

劉云字
字着意

衰年肺病唯高枕絕塞愁時

早閉門不可久留豺虎亂南方實有未招魂

劉云語不
輕易感恨

多更

九日登高

大歷二年
秋夔州作

風急天高猿嘯哀渚清沙白鳥飛迴無邊落木蕭蕭下

金匱要略卷八十四
不盡長江滾滾來

劉云句自雄暢

萬里悲秋常作客百年多病

獨登臺艱難苦恨繁霜鬢潦倒新停濁酒杯

劉云結復鄭重

送李秘書赴杜相公幕

青簾白舫益州來巫峽秋濤天地迴石出倒聽楓葉下

櫓搖背指菊花開

劉云兩句皆目擊自然而險易天出極舟行之妙也

貪趨相府

今晨發恐失佳期後命催南極一星朝北斗五雲多處
是三台

小寒食舟中作

大厯五年潭州作

佳晨強飲食猶寒隱几蕭條戴鶡冠春水船如天上坐

老年花似霧中看

劉云意雖索寞語不寒儉

娟娟戲蝶過閒幔片片

輕鷗下急湍雲白山青萬餘里愁看直北是長安

范元實詩

眼云沈佺期詩雲白山青千萬里幾時重謁聖明君杜云雲白山青萬餘里愁看直北是長安沈云人如天上坐魚似鏡中遊杜云春水船如天上坐老年花似霧中看皆不免蹈襲然按邵氏聞見錄云少陵此詩次聯本沈雲卿船如天上坐人似鏡中行船如天上去人在鏡中懸也要皆觸景而發意異句工何可同日而觀況少陵獨立乎千載之上豈必有所本而後作哉

唐詩品彙卷八十四